

باعي رغد بكل صراحة بعد ماكولف و دوران و تلميح او اي شي اني حبيتج و اهتميت بيج اهتمام اني ممنطي بحياتي لانسان  
اهتميت بكل تفصييلة بيج و بحياتج و بكل كلامج و سوافج و هذا الشئ جان مبين و انتي تعرفين. جنت اعيشج وياية بكل تفاصيل  
حياتي جنت دائما احاول اقربج الية بس انتي مجنتي تريدين و دائما جنتي تحاولين تبتعدين اكثر، جنت اريدج تكوينين على علم  
بكلشي اني اسوي حتى من جان بيئة ستريك اني جنت اصور من اطلع علمود انتي تعرفين ممكن هاي مو مهمة عندج بس اني  
مهمة عندي انو البنية الي احبه تعرف كل تفاصيل حياتي و تكون وياية بكل خطوة بحياتي صغيرة او جبيرة. انتي جنتي اول  
انسان اني اصبح عليه من الكعد من النوم و اخر انسان احجي ويا قبل لا انام و مرات انتي تكوينين نايمة اني اكتيلج احلام سعيدة و  
انام و مرات ميكون بيئة حجي و اني اريد انام اجي اكلج تصبحين على خير يلا انام هاي اشياء ممكن تكون تافهة او مو مهمة  
بالنسبة ألج بس كلشش مهمة عندي. جاننت فترة جميلة بحياتي و طلعاتنة جاننت احلى و كلشش جنت استمتع بوقتي وياج و مجنت  
اريدهة تخلص بس خلصت و راحت و بقت ذكرى ما اتوقع هاي الذكرى مهمة عندج بس اني مهمة عندي اني قدمت كلشي اكر  
اقدمه و لو جنت اكرم اكثر مجان قصرت وياج و لو يرجع بية الزمن اسوي نفس الشئ و الحمدالله اني مو من النوع الي  
يستغل بنية او يغلط وياها ولامرة حسستج بعدم الارتياح او ضوجتج بشئ من تكوينين وياية. اني حاولت ابتعد و حاولت ادوس على  
نفسى بس ماكرت و من شفتج جاي تحاولين وياية كلت هية مادام متمسكة اني هم راح ارجع اتمسك بيهة بكل قوتي بس الظاهر  
انتي متريدين هيج و هذا من حقج و هاي حياتج و انتي الي تختارين منو يكون بيهة و منو لا. اني غلظت بتقديرى و الصراحة  
ضجت لمن شفت الانسان الي اني واكف ويا و حاولت بكلشي علمودة يستغني عني بكل سهولة ولا عبالك يعرفني، الانسان اهم شئ  
عنده كرامته و نفسة و الصراحة اني بفترة فضلج على نفسي بس من شفتج استغنيتي عن هذا الشئ كلت اني هم راح استغني و  
اكمل الطريق الي ردتج تكوينين ريفقتي بي لازم اكمله بدونج. كلشش مجنت اريد هيج ننهي او بالأصح اني مجنت اريد ننهي اصلا  
بس هاهية الحمدالله على كل حال الخيرة في ما اختارها الله و دائما الي الله كاتبلننا احسن من الي احنة نريده. احنة بعد منرهم  
اصدقاء و مستحيلة بعد لان راح يععاد كلشي و مراح يتغير شئ اول اسبوع انتي تحجين و تسولفين طبيعى بعدين يبدي الاهمال و  
يقل الاهتمام بالتدريج الي ان ينتهي، كلشش مو سهلة لمن تودع الشخص الي تحبة متوقعين شكك صعبة من تودعين شخص جنتي  
متعرفي بعدين عرفتي و وصلتني مرحلة متريدين غيرة، جنت أريد أبقة وياج لأخر دقيقة بحياتي بس مو دائما كلشي نريده نحصله.  
انتي مو اخر بنية بحياتي ولا اني اخر ولد بحياتج هية هاي الحياة نتعرف على اشخاص و نعوف اشخاص مرات بأرادتنة نعوفهم و  
مرات احنة منريد نعوفهم بس لازم. اشكرج على الوقت الحلو الي جان وياج و اشكرج على كل مرة كدرتي ترسمين ابتسامه على  
وجهي اشكرج على كل اللحظات الحلوة الي مشت كلشش بسرعة وياج في وقت من الاوقات انتي جنتي سبب سعادتني. ماتوقع راح  
انسى تاريخ عيد ميلادج ولا راح انسى اول مرة شفتج و اول مرة لظمت ايدج، اول مرة ضحكت وياج لو اول اغنية سمعناها سوة  
الكهوه الشربناها سوة لو وين كعدنة هاي كلهة مراح انساها راح تبقى ذكرى جميلة و ايام حلوة بحياتي رغم كلشي. مراح انسى  
اهتمامج لمن اتمرضت كلش اشكرج عليه ممكن بالنسبة الج مجان ذاك الشئ بس اني كلش فرق وياية وجان حافز جبير بأنو اخذ  
الدوة و اسوي العملية جان ألج تأثير على قراراتي بوكته لان اني جنت مقرر ما اخذ دوة ولا اسوي عملية و اعوف كلشي وهية  
تلاص بس اكو شئ بداخلي فضل كلامج على كلامي. بالأول و الاخير انتي طبييتلي لسبب او علمود فدشي معين ما اعرف اذا  
حصلتي او لا اذا حصلتني عاشت ايدج و انتي سويتي الي تريدي و اذا ماحصلتي جنتي تكدرين تطلبين مني بكل بساطة. بالنهاية  
ماكول شي يدوم للأبد راح تنمسخين من ذاكرتي تدريجيا و ممكن لا و ممكن راح يجي الشخص الي يملئ الفراغ الي جنتي مالينة و  
تستمر الحياة. اني جنت نقطة بحياتي بس انتي جنتي اوراق بحياتي، النقطة تنمسخ و مرات اصلا متنشاف بس الاوراق مهما مشة  
عليهة الوقت و تتعقج و تتكطع تبقة محافظة على الي مكتوب بيهة و انتي الي جنتي مكتوبة بأوراقني. طبعا عاشت ايدج استخدمتي  
وياية انكس اسلوب حتى نتهين كلشي حطيتيني بموقف لا اكرم اسأل ليش ولا اكرم افتمهم شكو ولا اكرم اعاتبج، كلشي ماكر  
اسوي لازم اشوفج تروحين و اني اضل ساكت و اباوع و مايبدي شئ اسوي. اتمنالج كل الخير و الموافقة بحياتج و ان شاء الله  
يبعد عنج كل مكروه و يحفظج بكل خطوة بحياتج اتمنالج السعادة بكل قرار تاخذني و التوفيق الدائم.